

<County: Staffordshire>

<Code: L0715>

<MS reference: London, BL Arundel 272>

<Text: Agnus Castus>

### <Tranche 1>

<fol. 37r>w<sup>t</sup> wyne hit wull make a man~ to pisse And  
 also it delyueris ye renys and ye bleddres and  
 if a+mon~ be dronkyn~ of wyne it lettes ovte a+wy  
 kket wynd fro ye sydus and stoppyng of ye wombe  
 & of ye lyuer and of all maner of woundus And yis er  
 be wyth-holdes castyng Also a+playster made of yis  
 erbe tempert w<sup>t</sup> aysell dystryith wyldfyre and  
 helpe y<sup>e</sup> kancur & oyer woundus This erbe is on~  
 of y<sup>e</sup> spices of smalach & hit is hovt & drie  
 <space for initial> absynthium is a erbe cald **Wermode**  
 wermote and hit hath leves  
 lyke to y<sup>e</sup> leves of mogwort and y<sup>e</sup> leves be  
 sumdele qwyte vndur and hit hath a grete rote  
 and of on~ mor~ comyth ovte mony branches and  
 y<sup>i</sup>s erbe flovris as hit wer~ mogword The vertu of  
 y<sup>i</sup>s erbe is for to comforth y<sup>e</sup> stomake and clanse ye  
 herte Galien~ says yt hit hath too vertuys . on~ ys  
 laxatife yat oyer is confortatife & yerfor~ says Ga  
 lien~ yt if yis erbe be gyven~ to an evil of y<sup>e</sup> e  
 vil y<sup>e</sup> mater is not fully defyet hit schall hard  
 ye stomake & let y<sup>e</sup> digestion~ & if y<sup>e</sup> mater of  
 ye evil be ryped yen~ y<sup>e</sup> erbe schall make a+mon~  
 laxatife & easely put away y<sup>e</sup> mater and y<sup>e</sup> evil  
 This erbe is gud to put away drounknes also  
 if yis erbe drounkyn~ w<sup>t</sup> spyknard it swages ye  
 akyng~ of y<sup>e</sup> stomake and of y<sup>e</sup> wombe yt is gendret  
 of ille wynd also if it be temperet w<sup>t</sup> hony & droun  
 ken~ hit heylys y<sup>e</sup> swellyng of y<sup>e</sup> movth and puttes

away y<sup>e</sup> blaknes yat is abovte a monnus een~  
 and clerus hom~ Also if hit be *temperit* w<sup>t</sup> y<sup>e</sup> galle  
 of a bulle stamput to-gedur and afturward put  
 in-to a+monnus erus hit puttes away al+maner of hossyng~  
 & donyyng~ of hom~ also y<sup>e</sup> juys of yis erbe styll  
 yd in-to a+monnus nostrelus dryuus vp y<sup>e</sup> moyster y<sup>t</sup>  
 <fol. 37v>reynys of hom~ Also dyascordyis says yt if yis  
 erbe be put in an huch or in a presse yer clothes  
 be hyt wull kepe yt moghtus schall not ete y<sup>e</sup>  
 clothes Also y<sup>e</sup> same docto says yt y<sup>i</sup>s erbe lye  
 by bokus or chartes yt be wryton~ wyth ink tempret  
 w<sup>t</sup> water hyt kepyth yat no wormus schall ete ye  
 bokus This erbe hote & drie and yer be ij spices yer-off  
 <space for initial, with a indicated>Rthimesia is a erbe yat is **mogwort**  
 cald mogwort and hit hath  
 leves like to leves of wermot bot yai be not fu  
 lly so rovnd as y<sup>e</sup> leves wermote and y<sup>i</sup>s erbe  
 hath a longe stalke and mony stalkus comyng~ ovte  
 of on~ and yis erbe flovreth as doth wermode  
 The vertu of y<sup>i</sup>s erbe is yat who-so begynnus to go a-way  
 and he ber~ yis erbe w<sup>t</sup> hym he schall not be were  
 noyer haue no traveil in his way also if hit be put  
 in a howse yer schall dwelle no wykkid gost nothir  
 spirite in y<sup>t</sup> howse also yis erbe povnyd w<sup>t</sup> talough  
 helith akyng~ and sores in a mannys fete also yis  
 erbe schrad and brovght in-to povnder and drynk  
 with blak water helyth y<sup>e</sup> akyng~ of monnus guttus  
 <space for initial> affodillus is a erbe y<sup>t</sup> men calle **affodille**  
 affodille or semthef yis erbe hath leves  
 lyke to to leke and berus 3olo flovres and at y<sup>e</sup> top  
 pe he hat rovnd coddus qwen y<sup>e</sup> flour~ is fallen~  
 in y<sup>e</sup> qwech is seed lyke to onyon~ sede The  
 vertu of this ~~ver~~ erbe is y<sup>t</sup> y<sup>e</sup> branche yerof is gode to  
 hele y<sup>e</sup> dropsy also y<sup>e</sup> leves & y<sup>e</sup> flovrus drunkyn~  
 w<sup>t</sup> wyne helpus y<sup>e</sup> bytyng~ of venom~ wormus  
 also y<sup>e</sup> juys & y<sup>e</sup> rote of yis herbe wyth a lyttyll  
 myrr~ & safron~ sothyn~ in old swete wyne and after  
 ward strandyd is gud to hele rennyng~ een~ also ye  
 rote brent and y<sup>e</sup> povdre put to een~ y<sup>t</sup> haue lost

yair~ herr~ schall make y<sup>e</sup> herr~ to groe agayn~ also  
 if a hard scharpe clothe be wete in y<sup>e</sup> juys of hit  
 and y<sup>e</sup> morfewe or wher~ is mich fowe be anoynted  
 <fol. 38r>w<sup>t</sup> y<sup>e</sup> cloth in y<sup>e</sup> same the morfew and y<sup>e</sup> fowe  
 schall away This erbe is hote and drye **redmader**  
 <space for initial> astrologia longa is a erbe called Red  
 mader yis erbe hath levels like to mader  
 or to warance and hit a spice of mader and hath a  
 brovnch to y<sup>e</sup> lenghe of cubet and mony branches  
 com~ ovte of on~ mor~ and y<sup>e</sup> branche hath mony  
 knottes as hath mader and sumdele a+whyte flo  
 vr~ The vertu of yis erbe is y<sup>t</sup> hit wulle vnbynd  
 ye stoppyng~ of y<sup>e</sup> lyuer and make to passe wykked  
 wynd that ben~ gendret in a *mannus* body This  
 erbe is hote & drie and hit schall be gedret  
 in heruest & yer be ij spices yerof

#### **Astrologie galynga meeke**

<space for initial> astrologia rotunda is called astrologie ga  
 lynga meeke and hit hath leves lyke  
 to y<sup>e</sup> leves of *burrus* or *olitus* and hit hath  
 bot on~ branche and grene levys a-boue and  
 vndur y<sup>e</sup> levys be qwyte . and yis erbe floresche  
 as hit wer~ bytoyn~ safe y<sup>e</sup> *flovrus* be qwyte The  
 vertu of yis erbe is as ypocrice says yat if hit  
 be drunken~ w<sup>t</sup> hote water hit is medsynable  
 for men~ y<sup>t</sup> ben~ stoppet in y<sup>e</sup> brest and for y<sup>e</sup>  
 fallyng~ evill and .<sup>[for]</sup> y<sup>e</sup> podagr~ and y<sup>e</sup> Crumppe This  
 erbe is hote & drie & hit schall be gedyrt in  
 heruyst and hit is a spice of madyr **Southerynwode**  
 <space for initial> abrotanu~ is a swete herbe y<sup>t</sup> men@ calle so  
 therynwode yis erbe hath a stalke like rewe  
 and so hit bronches safe y<sup>t</sup> hit hath a strater lefe  
 The vertu of yis herbe is y<sup>t</sup> if y<sup>e</sup> seede be broken~  
 and dronken~ w<sup>t</sup> water hit helpus men y<sup>t</sup> haue  
 y<sup>e</sup> ston~ or y<sup>e</sup> palsye And .<sup>[if]</sup> hit be drokun w<sup>t</sup> wyne  
 <fol. 38v>hit helpus hom~ y<sup>t</sup> ben~ byton~ w<sup>t</sup> venymes be  
 stes also y<sup>e</sup> povere yer-of meddelt w<sup>t</sup> barly mele vn  
 byndus and brekus hard postyms also if yis erbe be  
 brent & y<sup>e</sup> asshen~ yerof be meddelt wyth old oyle

and put *yer* as *lakkus* her~ it restovris a3ayn~ y<sup>e</sup>  
 her~ This herbe is hote & drie **Ame**  
 <space for initial> *ameos* is an herbe called *amye* and hit  
 hath levys lyke to *ellerne* but *yai* be  
 lasse and hyt hath a longe branche and hyt  
 floresch and *sedus* lyke to *persely* and y<sup>e</sup> sede is  
 lyke to *persely* sede The *vertu* of y<sup>i</sup>s herbe is yt  
 if hit be dronkon~ w<sup>t</sup> hony hyt sleyth wormes  
 in a+*monnus* wombe & vnbyndus y<sup>e</sup> grete stoppyng~  
 of ille wynd in a+*monnus* body or in his wombe and  
 hit ~~like~~ *brekus* y<sup>e</sup> ston~ hit enchafus a+*monnus* sto  
 make if hit be cold hyt clensus a+*monnus* reynus  
 and hys lyuer and woundus hyt helpus y<sup>e</sup> bytyng~  
 of venymes bestus yis erbe is hote & drye **wodsovr**~  
 <space for initial> *alleluya* is an erbe yat is  
 called *wodsovr*~ or *stobwort* y<sup>i</sup>s erbe hath  
 iij leves of y<sup>e</sup> qwech ij be rovnd a+lyttill depar  
 ted above and hyt hath a qwyte flovr~ bot no long~  
 stalke The *vertu* of yis erbe is if hit be rosted on~  
 a+kovle in y<sup>e</sup> leves of y<sup>e</sup> red dokke yen~ hyt wul  
 frete away ded flesch yis herbe groys mych in  
 woddus **Egre moyne**  
 <space for initial> *agremonia* is an erbe y<sup>t</sup> men~ calle egre  
 moyne or gostych yis erbe hath leves  
 lyke to tannyssay bot y<sup>e</sup> levys be grenner and hit  
 hath a+blewe flovr~ and qwen~ y<sup>e</sup> flovr~ is flallen~  
 ye sede woll henge in a+*monnus* clothus as doth clyuer  
 thes erbe grous by dyches hegges & woddes The *vertu*  
 of yis erbe is if it be eten w<sup>t</sup> y<sup>e</sup> rote hit helpes  
 ye akyng~ of y<sup>e</sup> wombe also if hit be drye & made  
 <fol. 39r>in-to povder & put in hote water & dronken~ it is  
 gode to y<sup>e</sup> same evil also yis erbe tempert w<sup>t</sup> aysel  
 is gud to hele a sor~ y<sup>t</sup> <sup>[is]</sup> hurt w<sup>t</sup> iren~ also yis vsut  
 in me.<sup>[y]</sup>te is gud to hele y<sup>e</sup> akyng~ & sor~ of y<sup>e</sup> mylt  
 <space for initial> *auancia* is an erbe cald auance <sup>auance</sup>  
 yis erbe is lyke y<sup>t</sup> erbe y<sup>t</sup> men~ calle hare  
 fote & sum+men cal hit so & hit hath 3olo flovrus as hit  
 wer~ turmentil The *vertu* of yis erbe is if it be dried  
 and made to povder & put in-to a litul hote water &

gyvyn~ to a+mon~ y<sup>t</sup> hase y<sup>e</sup> feueres hit schall sone hel  
 pe hym also hit helpes much to woundes & cankurus if  
 hit be drunken~ **holyhok**  
 <space for initial> althea is an erbe cald holyhok or wild ma  
 lowe Thys erbe hase levis like to malowe  
 but y<sup>e</sup> leves be mor~ And it hase a+long~ branch &  
 it seedus as dose y<sup>e</sup> malow the vertu of yis erbe  
 is if it be shrad w<sup>t</sup> talow & tak to a+mon~ y<sup>t</sup> hase y<sup>e</sup>  
 pagagre he schall be hole w<sup>t</sup> iij dayes The experiment .  
 of yis erbe all autours afferme y<sup>t</sup> if yis erbe be so  
 den~ w<sup>t</sup> vinagr~ & w<sup>t</sup> lyncete & leyd to a+monns  
 sidus it departus & helus ill gederyng~ y<sup>t</sup> is gederit  
 in-to a+monnus body This erbe grous in fyldus & in  
 wete places

## <Tranche 2>

<fol. 43r>as doth y<sup>e</sup> mor~ centor~ in drye grovndus **karaway**  
 <space for initial> carui is an erbe yat men~ call caraway hit hath  
 leves lyke sumdell to fenell and hit hath  
 a long~ stalke and rovnd and y<sup>e</sup> sede is mor~ yen~ ye  
 sede of persely The vertu of yis erbe is yat ~~h~~ hit  
 dustryus yll wyndus ~~an~~ and coughus and hit helus  
 men~ y<sup>t</sup> haue frenesy and hom~ y<sup>t</sup> ben~ byton~ w<sup>t</sup>  
 venemes wormes or bestus also hit medylt w<sup>t</sup> ay  
 sell helus scabbus & teters and r~storus her~ wher~ it is  
 fallen~ away yis erbe groyth moyst in gardynus  
 & hit is hote & drye **Celidony or tothwort**  
 <space for initial> celidonia is cald celidonye or tothwort yis er  
 be hase grene levys & 3olo flovrus & qwen~ it is  
 broken it droppes mylke & y<sup>e</sup> levys be sumdell lyke to  
 columbynd The vertu yerof is as pliinius sayus y<sup>t</sup> if ye  
 swalo bryddes be hurt y<sup>e</sup> dam of hom~ focches yis er  
 be & helus hom~ yerw<sup>t</sup> Also yis erbe helus y<sup>e</sup> tothe-ache  
 also hit clensus a mannus hede also it helus y<sup>e</sup> cankir  
 & oyer sorus in a+mannus mouth y<sup>i</sup>s erbe is hote & drye

### Erthnot or dilnot

<space for initial> Ciclanum is cald erthnot or  
 dilnot or flit or holywort hit hase leves

lyke to fenell & qwyte flovrus & a smalle stalke &  
 it grous in woddus & medous The vertu of y<sup>t</sup>s erbe is y<sup>t</sup>  
 it woll frete away ded flesshe also y<sup>s</sup> erbe put o  
 pon~ a sor~ or in a+place y<sup>t</sup> lackus herr~ it helus y<sup>t</sup> place  
 & restorus y<sup>e</sup> herr~ a-yayn hit is hote & drye **Caule**  
 <space for initial> caulus is an erbe cald caule The vertu of it is  
 y<sup>t</sup> it woll clens well fresshe woundus & y<sup>e</sup> can  
 kyr & norisshe synews & heel sor~ een~ y<sup>t</sup> han~ all-most  
 lost yayr~ sy3t also y<sup>s</sup> erbe makes womans mylk to  
 wax & it confortus y<sup>e</sup> stomake also y<sup>e</sup> juys of it tempert  
 w<sup>t</sup> alim & aysell aswages y<sup>e</sup> lepr~ also it is gud to  
 kepe a mon fro drunknes & it is hote & drye **Coliandre**>  
 <space for initial> coliandrum is cald coliandre & hit hase levis  
 lyke to erthnot sumdell & hit hase a lytul qwite  
 <fol. 43v>flour~ & a round seed sumdell qwite & a strong~ sauor~ The ver  
 tu of it is y<sup>t</sup> if y<sup>e</sup> juys yerof be drunk w<sup>t</sup> hony hit  
 sleus wormus in a mannus womb & also it hardus a+mannus  
 womb also if y<sup>e</sup> seed yerof be eten it dryvus away ye  
 feuers y<sup>t</sup> comus y<sup>e</sup> thryd day & it is hote & drye

mayden herre

<space for initial> capilli <del>char</del> veneris is cald mayden  
 herr~ or watirwort hit hase leves lyke to  
 ferne but y<sup>e</sup> leves be smal & it grous apon~ wallus &  
 on~ stonus & in y<sup>e</sup> medu myddul of y<sup>e</sup> leve is as tho  
 ugh it wer~ blak herr~ The vertu of it is y<sup>t</sup> it woll  
 breke y<sup>e</sup> ston~ also if it be drunk w<sup>t</sup> wyn~ it distries  
 venem & it is cold & drye **Safron**  
 <space for initial> crocus is cald safron~ hit hath leves like  
 gras & 3olow flovrus The vertu yerof is y<sup>t</sup> it wol  
 dystrie all maner of abhomynacion~ of a+mannus stomake  
 also it woll make a+mon to f sleepe also ye flovr~ of  
 hit is for mony medicynus & namely for cokus  
 to colour~ potage yerw<sup>t</sup> hit grous in gardynus & it hote & drye

wodbynd

<space for initial> caprifolium is cald wodbynd  
 or wethwynd hit grous in hegges & in wodus  
 and hit woll beclype a tree it grous ry3t as derevy  
 & it hath qwyte flovrus The vertu yerof is y<sup>t</sup> it  
 wol heele cankurs & woundus bleddurus & akyng~



of teth & sorus of teth also it is gud to hele swe  
 llyng~ y<sup>t</sup> is stongon w<sup>t</sup> been hit is hote & drye

wyldhemp

<space for initial> canabaria is cald wyldhemp  
 or dovmpnettlo hit hath leves like to  
 hemp The vertu yerof is y<sup>t</sup> if y<sup>e</sup> pous of a mon **be**  
 y<sup>t</sup> hath y<sup>e</sup> feuers be freted wt y<sup>e</sup> leves yerof he  
 schall be hole it grous much by waterus **Cost or** las ditanie

<space for initial> costa is cald cost or las ditayn

but yei be not so much & y<sup>e</sup> leves be  
 mor~ qwhite then y<sup>e</sup> levys of ditayn~ & it is swete

in sauor~ The vertu of it is y<sup>t</sup> it wol hele y<sup>e</sup> se  
 kenes of <sup>^</sup> y<sup>e</sup> brest & of y<sup>e</sup> longes also it wul breke

<fol. 44r>y<sup>e</sup> posteme also hit drawith vp humovrs of a+mannus  
 eyen~ and hit is good for a mannus stomak And for his  
 reynes this herbe is hote & dry **Oynion**

<space for initial> cepa is an erbe is callid an oynion~ y<sup>e</sup> vertu  
 of y<sup>i</sup>s erbe is y<sup>t</sup> hit comfortith a+monnus

also sumdell it purgith flevme and hit neschith y<sup>e</sup> wo  
 mbe also if hit be temperid w<sup>t</sup> hony and aysell and so dr

unk it is gud to hele y<sup>e</sup> bytyng~ of a hounde also if  
 hit be temperid with womons mylke it is gud to hele  
 ye akyng~ of eres Also y<sup>e</sup> juys yerof put in-to a+wom

ans nostrels hit brekus ovt y<sup>e</sup> rewme and <sup>^</sup> [all] oyer stoppyng~  
 this erbe is hote & drye **Columbyne**

<space for initial> Columbina is an erbe y<sup>t</sup> men call columby  
 ne or cokkysfote or culuerwort or sandwort

and hit hath levis sumdell like to celidyne but  
 it droppith not y mylke when hit is broke as doth

celidonye and hit hath a blew flour~ The vertu of yis  
 erbe is y<sup>t</sup> it is gud for a+mon y<sup>t</sup> hath y<sup>e</sup> squynnacy

this erbe schuld be gederid in august **Comyne**

<space for initial> Cjminum is an erbe yat is called comyne  
 and hit hath levis mych like to colian

dre and it hath mony brau.<sup>[n]</sup>ches commyng~ ovt of y<sup>e</sup>  
 stoke and it is strong~ of sauovr~ The vertu of yis

erbe is yat it dystroith wykkud wyndus and oyer  
 euyls of y<sup>e</sup> stomake also hit helpith a+mon~ to ma

ke water and it is hote & dry **Cardiak or Eylpere**

<space for initial> Cardiac is an~ erbe yat is called cardiac  
 or Eylpere and hit hath levys sumdell  
 lyke to blynd nettle and it is sumdell prykyng~  
 opon~ y<sup>e</sup> tong~ and hit hath lytell coddess and yer  
 inne yei ber~ 3ersee The *vertu* of yis erbe is y<sup>t</sup> it  
 is gud for men~ y<sup>t</sup> hase y<sup>e</sup> fallyng~ evill also it  
 <fol. 44v>is gud for savces **woluesthystill or wyld thystill**  
 <space for initial> Camelion~ is an erbe called woluesthystill or  
 wyld thystill This erbe hath qwyte levis  
 grete & brede & kene and hit hath a red flovr~ This  
 erbe grous by ways The *vertu* of y<sup>i</sup>s erbe is y<sup>t</sup> if hit  
 be take qwyte y<sup>e</sup> sonne is in capricornu and w<sup>t</sup> y<sup>e</sup>  
 new moone if a+mon~ ber~ hit w<sup>t</sup> *him* ther schall noo  
 myschefe fall on~ hym y<sup>t</sup> beres it **Conferye**  
 <space for initial> Consolida maior is an erbe cald conferye  
 this erbe hath levis lyke to horsehen~ bot  
 yai be not so qwyte and it growyth in watry pla  
 ces and yer be ij spices yerof yat on~ hath a qwyte  
 flovr~ and y<sup>t</sup> oyer hath a red flovr~ and both yai be  
 ne on~ The *vertu* of y<sup>i</sup>s erbe is y<sup>t</sup> if a+mon~ wer~ broy  
 sed & broke w<sup>t</sup>-jnne take y<sup>e</sup> rote and rost hit amo  
 ng~ hote axen~ and take hit to y<sup>e</sup> seke fastyng~ w<sup>t</sup>  
 hony and let hym~ ete hit and he schall be hole  
 also y<sup>i</sup>s erbe helyth brokon~ boonus and hit beres blak  
 seede & it is hote & drye **Daysy or broyswort**  
 <space for initial> consolida minor is an~ erbe y<sup>t</sup> men~ call  
 daysye or broyswort or lowort and hit  
 hath levis sumdell lyke to las centor~ and he beryth  
 a+qwyte flovr~ This erbe is gud to breke a bocche  
 if it be stampet and layd yerto y<sup>i</sup>s ~~e~~ erbe is a spice  
 of confery and hit growyth in fyldus & medus above

**Dragancia or edewort**  
 <space for initial> dragancia is cald  
 dragance or edewort or serpentyne it  
 hath levis in euery braunche as hit wer~ scharp sum  
 dell toward y<sup>e</sup> end and hit hath a+stok schap as  
 an edder The *vertu* yerof is if it be punnyd and drunk  
 w<sup>t</sup> wyne hit puttes away all venem Also hit helyth  
 akyng~ of eerus if yai be anoynted yer-w<sup>t</sup> also y<sup>e</sup> povdre



yerof blowen~ in-to a+mannus nose hit clansus y<sup>e</sup> nose fro  
 rennyng~ also hit is gud to distrye y<sup>e</sup> kankur y<sup>e</sup>  
 <fol. 45r>cough and y<sup>e</sup> festeryng~ of woundus and it growyth  
 in woddus and it is hote & drye & schall be gedyrd  
 in y<sup>e</sup> moone of juine & julie **Ditayn**  
 <space for initial> djtanum is cald ditayn~ and hit is a+comyn~  
 erbe and summe calle hit ditavndre and hit  
 hath levis sumdell lyke to cost bot yai be grenner ye~  
 y<sup>e</sup> leves of cost and it hath a lytill qwyte flovr~  
 the vertu yerof is yat if womon~ be wyth ded ~~eh~~  
 chyld hit delyuers hur also hit draghus a thorne  
 or jren~ of a mommys body hit is hote and drye

**Brydswete or tauk**

<space for initial> davirus azininus is cald  
 bry. <sup>[d]</sup>dswete or tauk and hit hath leves lyke to  
 hemlok and a qwyte flovr~ The vertu yerof is y<sup>t</sup> hit gud to  
 hele y<sup>e</sup> dropcy and bytyng~ of venemes bestus also  
 hit opuns y<sup>e</sup> stoppyng~ of y<sup>e</sup> lyuer and of y<sup>e</sup> mylt also  
 hit makus a+mon laxatyve and hit growyth in fyldus  
 and qwe~ hit florescheus & berus flovr~ hit is lyke to  
 a bryddes nest and hit is hote & dry **lyons toth** or dentlyoun  
 <space for initial> dens leonis is cald lyons  
 toth or dentlyoun~ and hit hath leves  
 lyke to houndus toth and a 3olov flovr~ bot hit hath  
 no braunch bot as euery flovr~ comyth ovt of y<sup>e</sup> rote  
 w<sup>t</sup> a+litill braunch and hit droppus mylke when~ it  
 is brokyn~ The vertu y<sup>e</sup> yerof is yat y<sup>e</sup> Rote is gud  
 to hele y<sup>e</sup> feuer~ cotydian~ if hit be drunk wyth wyne  
 and hit growyth in mony places **Dragance female**  
 <space for initial> dragancia femina is cald dragans female hit  
 hath leves lyke to yuy bot yai have qwyte  
 plekkus hit hath an euyn~ stokk of y<sup>e</sup> lengh of ij  
 cubettes as hit wer~ in maner of a brolkyd<?> lyke to a snake  
 and hit beryth y<sup>e</sup> seede a-bove like a clustur of grapus  
 and qwen y<sup>e</sup> seede is ripe hit is 3olo and it growyth  
 in darke places and weete The vertu yerof is y<sup>t</sup> if y<sup>e</sup>  
 seed be punnyd and medlet w<sup>t</sup> oyll and put into